

東觀漢記

冊一

東坡志林

東觀漢記

【四時雜記】

通鑑纂要不備錄

《四部備要》

史部

上海中華書局據掃葉山房本校刊

桐鄉

陸費達總勘

杭縣

高時顯輯校

杭縣

吳汝霖監造

丁輔之監造

御製題武英殿聚珍版十韻

有序

校輯永樂大典內之散簡零編竝蒐訪天下遺籍不下萬餘種彙
爲四庫全書擇人所罕覲有裨世道人心及足資攷鏡者剞劂流
傳嘉惠來學第種類多則付雕非易董武英殿事金簡以活字法
爲請既不濫費棗梨又不久淹歲月用力省而程功速至簡且捷
攷昔沈括筆談記宋慶曆中有畢昇爲活版以膠泥燒成而陸琛
金臺紀聞則云毘陵人初用鉛字視版印尤巧便斯皆活版之權
輿顧埏泥體麤鎔鉛質軟俱不及鋟木之工緻茲刻單字計二十
五萬餘雖數百十種之書悉可取給而校讎之精今更有勝於古
所云者第活字版之名不雅馴因以聚珍名之而系以詩

稽古搜四庫於今突五車開鑄思壽世積版或充閭張帖唐院集周
文梁代餘同爲製活字用以印全書精越鵬冠體

昨歲江南所進之書有鵬冠子即活

字版第字體不工且多訛謬耳

富過鄴架儲機圓省雕氏功倍謝鈔胥聯腋事堪例

埏泥法似疎毀銅昔悔彼

康熙年間編纂古今圖書集成刻銅字爲活版排印藏工貯之武英殿歷年既久銅

字或被竊缺少司事者懼干咎適值乾隆初年京師錢貴遂請毀銅字供鑄從之所得有限而所耗甚多已爲非計且使銅字尙存則今

之印書不更事半功倍乎深爲惜之

刊木此慚予既復羨梨棗還教慎魯魚成編示來

學嘉惠志符初

乾隆甲午仲夏

臣等謹案東觀漢記隋書經籍志稱長水校尉劉珍等撰今攷之范書珍未嘗爲長水校尉且此書創始在明帝時不可題珍等居首案范書班固傳云明帝始詔班固與睢陽令陳宗長陵令尹敏司隸從事孟冀共成世祖本紀并撰功臣平林新市公孫述事作列傳載記二十八篇此漢記之初創也劉知幾史通古今正史篇云安帝詔史官謁者僕射劉珍及諫議大夫李尤雜作紀表名臣節士儒林外戚諸傳起建武訖永初范書劉珍傳亦稱鄧太后詔珍與劉騶駮作建武以來名臣傳此漢記之初續也史通又云劉珍等卒復命侍中伏無忌與諫議大夫黃景作諸王王子功臣恩澤侯表南單于西羌傳地理志元嘉元年復令大中大夫邊韶大軍營司馬崔實議郎朱穆曹壽雜作孝穆崇二皇及順烈皇后傳又增外戚傳入安思等后儒林傳入崔篆諸人實壽又與議郎延篤雜作百官表順帝功臣孫程

郭願及鄭衆蔡倫等傳凡百十有四篇號曰漢記范書伏湛傳亦云元嘉中桓帝詔伏無忌與黃景崔實等共撰漢紀延篤傳亦稱篤與朱穆邊韶共著作東觀此漢記之再續也蓋至是而史體粗備乃肇有漢記之名史通又云熹平中光祿大夫馬日碑議郎蔡邕楊彪著作東觀接續紀傳之可成者而邕別作朝會車服二志後坐事徙朔方上書求還續成十志董卓作亂舊文散逸及在許都楊彪頗存注記案范書蔡邕傳邕在東觀與盧植韓說等撰補後漢記所作靈紀及十意又補諸列傳四十二篇因李傕之亂多不存盧植傳亦稱熹平中植與邕說並在東觀補續漢記又劉昭補注司馬書引袁山松書云劉洪與蔡邕共述律曆記又引謝承書云胡廣博綜舊儀蔡邕因以爲記又引謝沈書云蔡邕引中興以來所修者爲祭祀志范書李賢注稱邕上書云臣科條諸志所欲刪定者一所當接續者四前

志所無欲著者五此漢記之三續也其稱東觀者范書安帝紀
李賢注引雒陽宮殿名云南宮有東觀竇章傳云永初中學者
稱東觀爲老氏藏室道家蓬萊山蓋東漢之初著述在蘭臺至
章和以後圖籍盛于東觀修史者皆在是焉故以名書隋志稱
書凡一百四十三卷而新舊唐書志則云一百二十六卷又錄
一卷蓋唐時已有闕佚隋志又稱是書起光武訖靈帝今攷列
傳之文間記及獻帝時事蓋楊彪所補也晉時以此書與史記
漢書爲三史人多習之故六朝及初唐人隸事釋書類多徵引
自唐章懷太子李賢集諸儒注范書盛行于代此書遂微北宋
時尚有殘本四十三卷趙希弁讀書附志邵博聞見後錄並稱
其書乃高麗所獻蓋已罕得南宋中興書目則止存鄧禹吳漢
賈復耿弇寇恂馮異祭遵景丹蓋延九傳共八卷維時有蜀本
流傳而錯誤不可讀上蔡任昉始以祕閣本讎校羅願爲序行

之刻板于江夏郡又陳振孫書錄解題稱其所見本卷第凡十二而闕第七第八二卷卷數雖似稍多而核其列傳之數亦止九篇則固無異于書目所載也自元以來此書久佚永樂大典于鄧吳賈耿諸韻內竝無漢記一語則所謂九篇者明初卽已不存矣

本朝姚之駟撰後漢書補逸曾蒐集遺文析爲八卷然所採祇據劉昭續漢書十志補注范書李賢注虞世南北堂書鈔歐陽詢藝文類聚徐堅初學記五書又往往掇拾不盡挂漏殊多今謹據姚本舊文以永樂大典各韻所載參攷諸書補其闕逸所增者幾十之六其書久無刊本傳寫多訛姚本隨文鈔錄謬戾百出且漢記目錄雖佚而紀表志傳載記諸體例史通及各書所載梗概尙一一可尋姚本不加攷證隨意標題割裂顛倒不可殫數今悉加釐正分爲帝紀三卷年表一卷志一卷列傳十七

卷載記一卷其篇第無可攷者別爲佚文一卷而以漢記與范
書異同附錄于末雖殘珪斷璧零落不完而古澤斑斕罔非瑰
寶書中所載如章帝之詔增修羣祀杜林之議郊祀東平王蒼
之議廟舞並一朝大典而范書均不詳載其文他如張順預起
義之謀王常贊昆陽之策楊正之嚴正趙勤之潔清亦復概從
闕如殊爲疎略惟賴茲殘笈讀史者尙有所循則其有資攷證
良匪淺鮮尤不可不亟爲表章矣乾隆四十二年十月恭校上

東觀漢記目錄

武英殿聚珍版原本

卷一 帝紀一

世祖光武皇帝

卷二 帝紀二

顯宗孝明皇帝

肅宗孝章皇帝

穆宗孝和皇帝

孝殤皇帝

卷三 帝紀三

恭宗孝安皇帝

敬宗孝順皇帝

孝沖皇帝

孝質皇帝

威宗孝桓皇帝

孝靈皇帝

案帝紀訖于靈帝隋書經籍志已有明文孝獻

無紀本非闕佚故今不列其目

卷四 年表

百官表

諸王表

案以下四篇全闕

王子侯表

功臣表

恩澤侯表

卷五 志

地理志

律曆志

禮志

樂志

郊祀志

車服志

朝會志

案以下二篇全闕

天文志

卷六 列傳一

外戚

光烈陰皇后

明德馬皇后

敬隱宋皇后

孝和陰皇后

和熹鄧皇后

順烈梁皇后

寶貴人

孝崇匱皇后

孝桓鄧皇后

卷七 列傳二 宗室

齊武王績

北海靖王興

案前史列傳例有附載如妃嬪附皇后子

孫附祖父本書採綴成文人自爲篇故今別爲傳目而仍以例附各傳後

北海靖王睦

趙孝王良

宏

梁

城陽恭王祉

東海恭王彊

沛獻王輔

楚王英

濟南安王康

東平憲王蒼

阜陵質王延

廣陵思王荆

中山簡王焉

琅邪孝王京

彭城靖王恭

樂成靖王黨

樂成王萇

下邳惠王衍

孝德皇

平原懷王勝

卷八 列傳三

鄧禹

鄧訓

鄧鴻

鄧陟

鄧悝

鄧宏

鄧閻

鄧豹

鄧遵

吳漢

賈復

賈宗

耿況

耿弇

耿國

耿秉

耿恭

卷九 列傳四

寇恂

岑彭

岑起

馮異

馮彰

朱祐

祭遵

祭彤

祭參

景丹

蓋延

銚期

卷十 列傳五

耿純

臧宮

馬武

劉隆

馬成

王隆

陳俊

陳浮

傅俊

堅鐔

王霸

任光

任隗

李忠

李純

鄧彤

劉植

劉歆

劉嘉

王常

李通

竇融

竇固

竇憲

竇章

卓茂

卷十一 列傳六

郭晨

來歙

樊重

樊宏

樊儵

樊梵

樊準

張況

張歆

張禹

郭況

陰睦

陰識

陰興